



明音類選卷之十一

七言律詩

、秋日江館寫懷

徐璩

水○國○天○寒○樹○影○稀○西○風○又○見○鴈○南○飛○
郢○中○白○雪○無○人○和○湖○上○青○山○有○夢○歸○
獨○對○浮○雲○傷○往○事○驚○看○秋○草○文○斜○暉○
十○年○浪○迹○烟○波○外○滿○眼○塵○氛○未○拂○衣○

、車駕渡江

曾棨

朱○旗○畫○戟○擁○晴○沙○錦○纜○牙○樯○照○浪○花○
佳○氣○迥○浮○江○北○樹○曉○光○初○絢○海○邊○霞○
雲○中○鸞○鳳○扶○丹○轂○水○底○魚○龍○識○
翠○華○不○用○臨○流○羨○天○塹○只○今○四○海○盡○為○家○



項羽廟

百戰休論蓋世功。鳴門宴罷霸圖空。虞歌慷慨孤燈
下。楚業消沉一炬中。露濕古墻秋蘚碧。霜含老樹夕
陽紅。英魂若到彭城路。忍聽高臺唱大風。

維揚懷古和胡祭酒韻

廣陵城裡昔繁華。煬帝行宮接紫霞。玉樹歌殘猶有
曲。錦帆歸去已無家。樓臺處處惟芳草。風雨年年自
落花。古往今來多少恨。只將哀怨付啼鴉。

居庸關

重關深鎖白雲收。天際諸峰黛色流。北枕龍沙通絕

漠南臨鳳闕。壯神州。烟生睥睨千巖曉。露濕芙蓉萬

壑秋。王氣自應成五彩。龍文長傍日光浮。

送陳司封使哈烈

旌旆翩翩拂曉霞。遠傳天語度流沙。搃鞍馬援心猶
壯。投筆班超髮未華。路出玉關朝伏節。水通銀漢夜
乘槎。西行正值蒲萄熟。醉卧涼州第幾家。

送李推官謫湖南

章敬

玉陛朝承明主恩。扁舟八月下荆門。斷烟斜日荒
山路。野水寒鴉獨樹村。江浦潮聲天外遠。衡陽秋色
望中昏。鷓鴣聲裡湘江暮。莫賦離騷恐斷魂。

送陳員外子魯使西蕃

王洪

劍騎翩翩出武威。關河秋色照戎衣。輪臺霜滿逢人少。蒲海天空見雁稀。蕃部牛羊沙際沒。羌民烟火磧中微。茲行總為宣恩德。不帶葡萄首宿歸。

海子橋

陳璉

海子東頭海上橋。闌干百尺琢瓊瑤。菱荷葉老香猶在。楊柳條長翠未消。公子錦衣金勒馬。佳人紅袖木蘭橈。太平風景今猶盛。滿耳笙歌雜鳳簫。

送楊郎中寧南征

李時勉

劍佩朝辭虎豹關。獨騎駿馬佐平蠻。宣威直過牂牁

外料敵多從尊俎。間潞渚南行三月雨。滇池西去萬重山。明年此際薰風裏。遲爾鳴珂奏凱還。

中秋夜泊寄鄉友

梁潛

一葦西風碧水秋。十年重到舊磯頭。江聲月色還堪恨。楓葉蘆花不管愁。擊節醉來歌白苧。濯纓歸去憶滄洲。明年此夕應同賞。司馬于今已倦遊。

瓜洲道中

王汝玉

清江杳杳水連空。江北江南綠映紅。向晚異鄉逢換火。經春遊子恨飄蓬。滿汀蘆葉孤舟雨。一樹梨花小旆風。遙望故山何處是。依稀烟樹五湖東。

九日陪李上猶登高

陳觀

百年能幾遇重陽。逐伴登高引興長。邑宰喜陪元亮
飲。參軍那似孟嘉狂。山雲映水搖秋色。浦樹含風送
晚涼。滿路黃花應笑我。白頭猶自客他鄉。

豫章浴仙池

王直

翩翩仙侶下漣漪。香霧霏微濕翠旗。鵲渡絳河當七
夕。鶴歸瑤島已多時。蕭條楊柳秋風起。零落芙蓉夕
露滋。青鳥不來雲路杳。鳳簫空向月中吹。

端午憶去年從幸東苑擊毬射柳賦詩錫宴

千門晴日散祥烟。東苑宸游憶去年。玉輦乍移雙闕

外彩毬低度百花前。雲開山色浮仙仗。風送鶯聲遶
御筵。今日獨醒還北望。何時重詠栢梁篇。

大閱

行殿微風拂曙陰。六師戈甲肅森森。魚麗稍度西山
險。虎落遙連上谷深。已爲訓戎知聖武。還因解網
見皇心。清時自是行天道。不必相如賦上林。

送陳郎中子魯再使西域

翩翩旌旆出皇州。瀚海崑崙是昔遊。塞外風雲隨
使節。天涯霜雪敝征裘。還家不論千金橐。佩印須爲
萬里侯。想見蕃夷歸聖德。自西河水亦東流。

秋夜

月上重城夜未央。空庭小立聽寒螿。池邊翠柳踈踈影。籬下黃花冉冉香。題柱馬卿常抱病。登樓王粲未還鄉。老懷不待清砧動。久客逢秋已自傷。

題蜀山圖

馬德華

翠壁蒼崖峭入天。雨餘草木帶春煙。錦江東去龍門險。劍閣西來鳥道懸。丞相舊圖沙磧裏。拾遺高興草堂前。回看匹馬經行處。似有猿聲到耳邊。

赤壁

廖致遠

赤壁磯頭暮艤舟。徘徊陳迹思悠悠。周郎武畧吞江

漢蘇子文光煥斗牛。風月頻催來往客。烟波長混古今愁。英雄才傑俱成夢。鼓枻歌天地秋。

車駕渡江

周忱

柳色臨江輦路長。威綈遙望翠華張。衣冠隔岸催鳴序。舸艦中流列鴈行。魚躍滄波瞻御座。鳥啼春樹識天香。時巡百度稽虞典。不奏橫汾漢樂章。

留別京師諸友

牟倫

行行策馬出皇畿。古木霜寒獨鳥飛。天上故人青眼在。蜀中諸第素書稀。秋風故隴雲連棧。夜月胡笳露滿衣。白髮蕭蕭身萬里。不知別後竟何依。

題滕王閣

王英

鳴鸞佩玉憶當年。遺跡荒涼倍可憐。尚有殘花飛蝶。應多古樹怨啼鶯。西山踈雨浮雲外。南浦驚濤夕照邊。何事王孫舊時草。滿堤猶自綠芊芊。

送徐主事孟暉子訥回澄江馬鐸

京華二月柳初絲。送子南行情別離。陌上看山愁對酒。風前握手倦吟詩。雲連鐵甕人烟迥。月滿丹陽客棹遲。粉署嚴親應待汝。莫因鄉國緩來期。

擬唐宮人入道黎擴

高髻雲鬟罷舊粧。黃冠初入白雲鄉。碧桃春雨心初

定。紅葉秋風怨已忘。行道宛如隨玉輦。步虛清似舞霓裳。多情惟有長門月。來伴吹簫引鳳凰。

送李佑之赴陝西叅議許彬

十載含香侍上台。旬宣分陝用奇才。黃河九曲天邊落。華岳三峰馬上來。長樂月明笳鼓靜。終南雲歛障屏開。行行喜及重陽節。黃菊飄香入酒杯。

洛陽懷古周叙

春風吹袂洛城邊。一望川原思渺然。綠野堂堙空宿燕。天津橋廢絕啼鶯。成周故國寒烟外。汴宋諸陵夕照前。獨有澗瀍流水在。滄波東去自年年。

送沈愚歸玉峰

蘇平

皇州鶯轉柳條新。客裏那堪此送君。歸夢不離吳苑月。還家高卧玉峰雲。江村貰酒逢寒食。驛路看山對夕曛。最是臨岐分手處。落花離思共紛紛。

南阜謾興

蕭鉉

朝衣脫却換荷裳。自是郊居引興長。松徑曉烟蘿薜暗。藥欄春雨杜蘅香。傳經有客隨藜杖。載酒何人問草堂。更擬垂綸理輕棹。武陵溪水即滄浪。

登御山

徐有貞

麥黃天氣爽如秋。乘興聊為岸壘遊。香徑踏花來洞

舟送酒過溪頭。橫塘樹色連龍塢。茂苑烟光接虎丘。絕勝竹林觴詠處。郎今誰數晉風流。

滎陽咏古

薛宣

蕭蕭涼吹動秋空。千古山河一望中。廣武連營秋草碧。鴻溝分壤夕陽紅。石鱗有甲藏秋蘚。鐵馬無聲散曉風。何限英雄俱泯滅。白雲依舊出層峯。

岳侍講自謫所取回京

郭登

蚤登黃閣贊經綸。欲報君恩敢愛身。青海四年羈旅客。白頭雙淚倚門親。鳴璫又喜趨仙仗。補袞還思用舊臣。謾道歸來心便了。天涯多少未歸人。

戊寅孟冬朔日獵南苑

劉定之

聖明天子中興年。大閱軍容故卜畋。射鴈得書卑漢武。貫魚入詠邁周宣。追風玉勒從晨出。吹月金笳及暮旋。有獲非熊應更喜。後車還許着先鞭。

送龔進士文彥

張和

雪後關河見鴈稀。感時傷別思依依。吳門烟月期同醉。天路雲山又獨歸。官驛暮帆和雨落。水城寒鳥背人飛。京華此去推先達。惆悵丘園只布衣。

賦得柳送人

暖風披拂漸葳蕤。色映鶯黃淡落暉。煬帝宮前春漠

漠。闔城外晚依依。青驄每縮長條繫。紫燕遙衝落絮飛。有客河橋欲分袂。一枝相贈惜相違。

滄江送別劉習之廣西憲幙

秋波渺渺布帆輕。醉折蘋花贈遠行。萬里一官江上別。楚雲湘月各逸程。關門背嶺寒蕪綠。驛樹迎船瘴雨晴。此去蜚夷知有望。使君心似玉壺清。

訪曉菴禪師師以洞庭柑爲供詩以識之

十年不到白龍潭。延慶名僧始一參。石鼎未烹陽羨茗。金盤先獻洞庭柑。簷前暮雨霑天棘。席外春風動石楠。明日又從江上別。九峰惆悵隔晴嵐。

朱日南東歸舊隱

秋波渺渺望中平。醉折蘋花寄遠情。千里共看孤棹
去。一尊聊為故人傾。雲低碧樹江東驛。水遶青山海
上城。林下舊遊如有問。半簪華髮已垂纓。

送陳侍講學士詢知均州

劉儼

日照天門瑞氣浮。誰知仙客出瀛洲。除陽山水真堪
醉。赤壁風烟更可遊。落落疎星江上騎。蕭蕭垂柳驛
邊樓。歐蘇詞賦公餘事。莫為湘纍動遠愁。

贈西溪遺叟

幾年習隱向西溪。喬木陰陰徑路迷。堦下雨晴苔亦

潤。窓前春近草先齊。閒來縱酒惟高枕。老去看雲只
杖藜。却笑五侯門下客。紅塵騎馬日栖栖。

真武山

成始終

石闌橋畔碧雲遮。玄帝旌旗望眼賒。古洞龍歸風滿
樹。鬱臺仙去雨飛花。九還長煉爐中藥。五色曾冷海
上霞。擬約道人騎白鶴。吹笙同謁太清家。

金臺驛

祝顥

西風匹馬上金臺。燕趙河山實壯哉。萬里有誰收駿
骨。千秋無復見奇才。孤城落日鴉空噪。絕漠浮雲鴈
自來。懷古思今吟不盡。一尊聊向驛亭開。

無題

劉昌

簾幙深沉柳絮風。象床豹枕畫廊東。一春空自聞啼鳥。半夜無人問守宮。眉學遠山低晚翠。心隨流水寄題紅。十年不到門前去。零落棠梨野草中。

塞上感懷

王清

西風關外雪初晴。懷古思鄉百感生。玉帳枕戈人萬里。鐵衣傳箭夜三更。夢回絕域烏桓地。戰罷空山勅勒營。烽火微茫天去遠。月中鴻雁送秋聲。

燕臺懷古

岳正

賢亢陂荒蔓草生。廣陽宮廢故城平。秋風易水人何

在。午夜盧溝月自明。召伯封疆經幾換。荆卿事業尚虛名。黃金不置高臺上。似怪年來士價輕。

觀浙江潮

張楷

當午春雷震海門。初來遠客欲銷魂。陣開即墨牛爭觸。戰罷昆陽馬亂奔。伍相精靈何日散。錢王功業至今存。天涯一點青山小。屹立中流任吐吞。

病起登樓

于謙

晚來扶病強登樓。迢遞山川入遠眸。紫塞正連沙漠去。黃河還繞郡城流。天涯芳草重重恨。簾外飛花點點愁。往事驚心如夢寐。幾回翹首望神州。

已巳歲感事

劉溥

塞鴈南飛又北旋。上皇音信轉茫然。孤臣自恨無容地。逆虜誰能共戴天。王衍有時知石勒。謝玄何日破符堅。京城四塞山河固。一望龍沙一涕漣。

九日

童軒

蕭蕭木葉下高枝。又是深秋九日期。黃菊酒香人病後。白蘋風冷鴈來時。參軍帽落誰同調。宋玉詩成益自悲。有約不能逢一笑。看山窓下獨搢頤。

秋夜夢康侍御用和

宦遊歲月易蹉跎。青鏡流光兩鬢皤。客夢不知江水

遠。鄉心偏傍雨聲多。張衡有詠唯愁在。燭武無能奈老何。為問舊遊驄馬客。別來誰與共鳴珂。

奉餞李方先生

馬軾

灤江江上水悠悠。送客江邊莫上樓。五嶺瘴高烟蔽日。兩孤雲濕雨鳴秋。豐城劍氣東南起。合浦珠光晝夜浮。祭罷鱷魚歸去晚。刺桐花外月如鉤。

遊西林庵

張通

野寺蕭條一逕微。山僧相見語禪機。雲深石洞玄猿斷。烟鎖松林獨鶴歸。上界踈鍾通碧落。邊城寒角送斜暉。浮生自覺渾無定。欲解鳴珂問釣磯。

虔州懷古

夏寅

宋家後葉如東晉。南渡虔州益可哀。母后撤簾行在所。相臣開府濟時才。虎頭城向江心起。龍脉泉從地底來。人代興亡今又古。春風回首鬱孤臺。

金陵卽事

丘濬

六朝城闕久蒿萊。紫蓋黃旗帝運開。鷓鴣漏傳雲外觀。鳳凰簫奏月中臺。千峯山勢連吳遠。萬里江流自蜀來。此日江南非昔日。子山詞賦莫興哀。

感事

張寧

寶馬朱輪接上游。時危誰解奉天憂。鼎湖龍去英雄

盡。闕閣雲深日月愁。玉輦已隨胡地草。青山依舊漢宮秋。元勳野苑潼關破。誤國何人更首丘。

遊西山道中

劉大夏

曉來絲騎踏晴沙。風景蒼蒼一望餘。幾處白雲前代寺。數村流水野人家。鷺啼別墅春猶在。馬到西山日未斜。回首不知歸路遠。九重宮殿隔烟霞。

新春感事

倪岳

烽火邊城鼓角悲。黃沙漠漠北風吹。關山遠隔雲中戍。車馬新屯灞上師。賈誼有才思報國。杜陵多病為憂時。侍臣誰有如椽筆。擬撰燕然第二碑。

次韻答陳牧村

謝鐸

三徑門前菊未荒。動人秋思已悠揚。江湖歲月初心
在。岐路風烟別夢長。每飯獨慚徐孺子。一官能老賀
知章。黃金臺下休回首。正想空山芋栗香。

秦隴道中

馬文升

問俗昔曾過隴山。西征今復出秦關。鴈聲叫日迷寒
渚。楓葉經霜帶醉顏。世路羊腸千里曲。功名蝸角幾
人閒。林間鸚鵡能言語。咲我年來兩鬢斑。

輓都憲郴陽朱公

陳獻章

楚天春望思難任。生死交情祇自深。豈有鵬程高萬

里。故收駿骨破千金。姓名叨入黃公傳。絮酒空懷孺
子心。拂拭孤桐向明月。哀絃彈絕不成音。

憶世卿廷實用寄景易韻

東西垣竹影交歌。坐到芭蕉月上時。何處塵蒙春試
馬。壁間苔沒舊題詩。一盃脫粟吾將老。萬里長風子
可羈。別有樵夫來歇擔。晚涼松下了殘棋。

辛丑元旦戲筆

酒盃不與年顏老。詩思還隨物候新。分外不加毫末
事。意中長滿十分春。栖栖竹几眠看客。處處桃符寫
似人。除却東風花鳥句。更將何事答洪鈞。

題閑叟

前村烟火熟朝炊。正是先生睡足時。適意江山吟裏。盡忘懷。今古夢中棋。花邊擊鼓諸孫戲。竹下扶筇一鶴隨。應咲書生閑未得。白頭憂世欲何為。

送郎中魯約義歸致仕

羅倫

解印悠然歸故林。南山佳氣忽千尋。淨雲世事從今古。芳草人間自淺深。萬壑清風玄鶴夢。一天秋水白鷗心。憑渠領得東周意。莫和山前楚鳳吟。

包節婦

莊景

二十夫君棄妾身。諸郎癡小舅姑貧。已其薄命同衰

葉不掃蛾眉。別嫁人化石未成。猶有淚舞鸞。雖在不驚塵。鎖窓獨對東風樹。歲歲花開他自春。

渡江

張弼

篷底茶香酒夢醒。大江風急正揚舲。浪花作雨汀烟濕。沙鳥迎人水氣腥。三國舊愁春草碧。六朝遺恨曉山青。不知別後東湖上。誰愛菱歌倚棹聽。

紀遊

出守南安秋復秋。公餘隨處作清遊。水聲泐歲金鰲閣。山色周遭鐵漢樓。滄海東南連粵徼。青雲西北是皇州。偶逢過客談時事。縱對清尊未解憂。

禁中聞鶯

章懋

禁苑花深晝漏遲。鶯聲遙在萬年枝。不隨舞袖歌金縷。却伴仙韶奏玉墀。長信夢回歌枕處。瑣闈吟罷倚闌時。東風空費如簧舌。不道明廷有鳳儀。

從軍行

沈周

馬上黃沙拂面行。漢家何日不勞兵。匈奴久自忘甥舅。僕射今誰托父兄。雲外旌旗婆勒渡。月中刁斗受降城。左賢早待長繩縛。莫遣論功白髮生。

楚江秋曉卷二首

天連湘漢水悠悠。水色微茫接素秋。殘月已沉三國

恨亂雲初散九疑愁。南方流落身將老。西埃蕭條客倦游。欲采蘋花恨無伴。美人迢迢隔滄洲。葭茨蒼蒼白露晞。蕭條江色帶微暉。平沙鴈逐寒潮起。野樹鴉隨亂葉飛。漸見九溪如練淨。尚憐三戶似星稀。不堪昨夜南遊客。愁向西風憶授衣。

長春庵

聶大年

蕊宮琪樹罷栖鸞。空有玄都太古壇。野老不尋食玉訣。山人自製切雲冠。杖龍化去秋池涸。笙鶴歸來夜月寒。前度劉郎真好事。種桃留與後人看。

城西劉王故苑

黃瑜

江水東流西日斜。劉郎綦跡尚天涯。昌華苑外裙腰草。玉液池邊鼓吹蛙。隔隴牛羊聞牧笛。遙林烟火見漁家。當年翠輦曾遊地。留與東風長稻花。

秋興二首

柳邊竹外見黃花。獨倚危闌到暝鴉。碧落歛雲開遠岫。踈砧敲月應悲笳。金盤未賜相如露。銀漢遙瞻博望槎。寂寂掩關人不到。霜風隨意入窗紗。
萬壘彤雲捧漢宮。荷衣曾到玉墀東。流鶯自轉花枝日。珮馬無聲柳絮風。王會源源重譯外。羽儀楚楚九班中。滄江此際悲搖落。目斷燕臺但塞鴻。

五羊寄鄧俊圭

李承箕

後時自許甘丘壑。前席將無問鬼神。浮世虛名非得已。出山小草却悲人。別時笑語風吹斷。會處迷離夢寫真。四十餘年一迴首。乾旋坤轉有冬春。

松陵夜泊

史鑑

城陰分手即天涯。嶺樹江雲別路賒。未到故園猶是客。忽聞鄉語似還家。燈前今夜愁無寐。鏡裏明朝髮有華。欲問歸舟何處宿。月明和鴈在蘆花。

聚遠樓

新起高樓九溪上。無邊風景在虛楹。太湖一水際天

綠洞庭兩山終日青。帆帶夕陽來冉冉。鴈拖秋影入冥冥。何人卷幔吹簫坐。明月滿空涼露零。

送人遊維揚

憐君失意向天涯。兩歇紅亭日已斜。對酒不須嗟往事。渡江知是客誰家。孤城猶帶邗溝月。四海空傳后土花。莫過雷塘弔陳迹。只今殘柳尚啼鴉。

曹顒若載酒過訪以詩贈別

一樽相對思依依。老大空悲始願違。華髮鏡中看漸短。故人天際信來稀。黃梅雨少河流淺。綠樹陰多日景微。欲把漁竿江海上。却愁風浪濕荷衣。

和梅繡衣秋興

邵珪

霜滿蒹葭月在枝。青樓珠箔美人思。天寒日暮傷搖落。薊北江南剩別離。阮籍投纓先已醉。漸離擊筑有餘悲。靈槎千尺懸滄海。回首雲霄限玉墀。

和顧天錫登姑蘇臺

駐節江樓且慰顏。不須雙袖淚潸潸。雪泥鴻趾今何處。叢桂秋風對小山。古驛一尊斜日下。舊宮三畝白雲間。群鷗海上飄飄去。應恠塵心未肯閒。

小瀛洲爲王家宰賦

釋九臯

鰲海晴分五色霞。鳳池多隱列仙家。黃封日送宮壺

酒青鳥時啣御苑花。雲外珮鑿聞步輦。月中河漢見
乘槎。君王舊聽尚書履。回首銀屏隔絳紗。

秋思

胡謚

遠客尋常嘆索居。秋來懷抱復何如。高城月白砧聲
急。古戍霜清木葉疎。塞馬正肥秋苜蓿。江蓴空老舊
鱸魚。故人迢遞天南北。不寄相思一尺書。

濟寧夜泊

吳寬

嗚嗚畫角語城頭。暝色蒼茫倚舵樓。古戍烟生人已
散。長河月落水空流。異邦信美非吾土。他日重來是
舊遊。千里鄉心孤枕上。可能今夜夢刀州。

分題鄱湖聽鴈送黎憲還臨川

碧天雲冷鴈聲悲。楚客驚秋不盡思。彭蠡湖頭愁起
處。衡陽峰下夢回時。波漂菰米風生渚。月映蘆花雪
滿陂。此去臨川無百里。帛書休恨到家遲。

太廟候祭復遊東園

百畝園依清廟開。去年首夏憶曾來。繁花落盡留紅
藥。新筍叢生帶綠苔。北闕倚雲通劍珮。南宮隔水見
亭臺。令人又作山林想。况有蕭蕭白髮催。

慶成宴書事

楊一清

苑柳城花照眼新。慶成開宴及芳辰。班分黼座瞻天

近酒上龍巖獻壽頻。歌調過雲長繞殿。舞衣回雪半隨人。兩朝舊事偏多感。親見仙桃滿面春。

得劉東山重過六盤山詩次韻

幾載相思夢寐間。憐君謫戍我投閒。鱗鴻無路通西海。猿鶴何心戀北山。此去桑榆聊自適。向來岐路苦多艱。遙知稚子歡迎處。春氣初隨律管還。

遼城懷古

王鏊

小橋瀟瀟空流水。往事悠悠祗斷垣。冠蓋六州皆石晉。河山百戰又金源。黍離不盡行人恨。木葉空歸杜宇魂。千古登臨成一慨。幽燕今日是中原。

元夜應制

梁儲

今宵休問夜如何。且聽尊前達曙歌。圓月向人偏皎潔。好風吹面正清和。星從左箇將春至。鴈近南樓帶字過。翹首五雲晁深處。千觴應助聖顏酡。

留都吏部公燕

故人交誼重南金。畫省風流許重尋。千里雲霄違比翼。十年江漢阻知音。祥鸞自合歸阿閣。倦鳥惟思返故林。多謝北堂今夜月。後來應照我遐心。

武廟哀詞和魯南韻

哀詞施于重傷。夫折不以壽終者。皆宜施于。在折者。劉忠

劉忠

千古橋陵舊竈開。斷齧無力挽天回。三邊曾納戎王

欵九廟親俘漢。淖來淚竭華夷枯。海濱神遊冥漠馭。風雷十年講。幄承息澤。白首荒山不盡哀。

行臺日暮偶成

趙寬

何處蕭蕭暝色侵。海雲將雨過寒林。間關旅鴈天涯路。寂歷啼螿歲暮心。槁木嗒然聊隱几。飛蓬搔盡不勝簪。松垣深掩黃昏靜。惟有爐熏對苦吟。

大房金源諸陵

儲懽

長白山高朔漠連。金源風致故依然。千秋魂魄猶思沛。萬里丘陵却到燕。感事重翻江統疏。傷心莫問靖康年。幽蘭一燼雄圖歇。汝水悠悠入墓田。

孟城卽事

邵寶

孟城驛前吟夕陽。高郵湖上好秋光。紅分菡萏初經雨。綠滿蒹葭未受霜。遠浦有波皆浴鷺。近堤無路向垂楊。南來時見吳江棹。却倚船牕問故鄉。

早朝追和鮑老韻

石珪

蓬萊宮闕玉爲橋。曳履年年侍早朝。爐竈着衣如過雨。御溝搖月欲生潮。未排閭闔心猶壯。纔望金莖渴已消。奏罷從容過東觀。五雲隱隱聽笙簫。

栢井別兄作

門對青山閣。俯流弦歌聲裏却生愁。最難爲別緣同

氣忽漫相看是異州。春草不違池上夢。布袍先問客
邊秋。金陵迢遞勞頻憶。夜夜聞鴻定倚樓。

易州道中

古歌下共看相字便順

西風羸馬經行地。易水長城是舊都。壯士入秦名尚在。客鄉歸趙勢全孤。高臺歲久黃金盡。古塞秋深白
鴈徂。聞道關門猶鎖鑰。太平天子慎防胡。

春暮見鶯

百花開盡見鶯流。一轉能添數種愁。巧舌傍人何太
苦。春光隨水已難留。心驚陌上誰家笛。夢斷城南少
婦樓。柳色萬行聽不斷。莫牽詩思到揚州。

秋日晉陽書院對雨

王鴻儒

蕭蕭寒雨下秋空。獨坐凝香燕寢中。山外密陰藏蝶
竦。井邊繁響集梧桐。舊遊易夢揚州鶴。遠信難憑碣
石鴻。剩萼殘英看欲盡。惟餘黃菊待霜風。

九日登通明閣

飛閣岩堯接太清。丹梯躡處覺身輕。不逢湖海元龍
榻。虛想烟霞子晉笙。落木峯巒生夕靄。飛花庭院動
商聲。倚闌毛骨俱蕭爽。何必蓬萊宮裏行。

曉詣西壇候駕

李夢陽

萬宇沉沉曉漏催。九關魚鑰遲明開。闐闐鼓角空中

起片片鑪烟霧裏來。氣結龍文隨御幄。風傳虎旅發
仙臺。叨從百辟觀周典。不向秋風數漢才。

秋懷二首

慶陽亦是先王地。城對青山不啻墳。白豹寨頭惟皎
月。野狐川北盡黃雲。天清障塞收禾黍。日落谿山散
馬群。回首可憐鼙鼓急。幾時重起郭將軍。

宣宗玉殿空山裏。野寺霜黃鎖碧梧。不見虎賁移大
內。尚聞龍舸戲西湖。芙蓉斷絕秋江冷。環珮淒涼夜
月孤。辛苦調羹三相國。十年垂拱一愁無。

小至

年年至日多暄煖。不似今年煖更饒。脉脉水泉元自
動。微微雲物向人遙。即防臘意傳梅蕊。更遣風光媚
柳條。便可抽身解簪組。且謀春事件漁樵。

解官親友携酒來看

嚴城擊鼓天欲曙。風起平林織月長。故人開樽且復
飲。客子狂歌殊未央。卧病一春違報主。啼鶯千里伴
還鄉。他時若訪漁樵地。洛水秦山各淼茫。

送張訓導棄官爲母

蜀道干戈暮角悲。水行溪壑轉春姿。辭劉徐庶心先
苦。廻馭王陽願不違。正月巴山猶碧樹。孤舟峽口已

黃鸝并吞割據千年事，愁見岷峨有戰旗。

盤山道中作

礧道晴雲雪草春，石門丹壁闢嶙峋。
聞雷不羨蛟龍起，避地番將虎豹隣。
少室山人虛索價，壺關三老實藏珍。
烟花白日經行處，鴻雁冥冥嘆此身。

靈武臺

環縣城邊靈武臺，肅宗曾此闢蒿萊。
二儀高下皇輿建，三極西南玉璽來。
衣白山人經國計，朔方孤將出群才。
可憐一代風雲際，不勸君王駕鶴迴。

寄華韶州

十年不寄一封書，素處常思萬里餘。
謫宦賈生元獨遠，抗言劉向果誰如。
新符海外勞分虎，舊德朝中想佩魚。
退食昔移青瑣步，論文偏過省郎廬。

雪後朝天宮

馬上城中見雪山，白雲蒼霧滿燕關。
蓬萊咫尺無人到，松栢黃昏有鶴還。
當日翠華遊物外，百年金殿鎖人間。
浮塵擾擾江湖遠，悵望巖栖不可攀。

秋日感懷

何景明

高樓一上思堪哀，水盡山空鴈獨迴。
萬里關河迷北望，無邊風雨入秋來。
故人尺素年年隔，薄暮清砧處處

處催徒有寒尊對花發。病懷愁絕共誰開。

得獻吉江西書

近得潯陽江上書。遙思李白更愁予。天邊魑魅窺人
過日暮。鼃鼃傍客居。鼓柁襄江應未得。買田陽羨定
何如。他年淮水能相訪。桐栢山中共結廬。

聞笛

橫笛高樓弄晚颼。碧空如水鴈來時。關山月落腸應
斷。樓閣秋生響易悲。楊柳天邊渾折盡。梅花江上故
開遲。武陵回首南征路。一曲那堪馬上吹。

賈學士往南都

金陵樓閣九天開。銀漢仙槎萬里來。宮月曉懸鵲
觀江流春轉鳳凰臺。直從北極看南極。却望中台接
上台。鳴世早傳吳下作。逢時真羨洛陽才。

八日宗哲宅見菊

燕臺菊樹艷秋堂。楚客鄉心益渺茫。人世幾回逢一
笑。天涯明日過重陽。高雲錦石寒相映。細雨清沙濕
不妨。况是右丞多雅詠。可能無興醉花傍。

送衛進士赴武昌推官

少年佐郡楚城居。十郡風流盡不如。此去且隨彭蠡
鴈。何須不食武昌魚。仙人樓閣春雲裏。賈客帆檣晚

照餘大別山前江漢水。畫簾終日對清虛。

西海子

寺下烟波春不開。苑中風浪隱樓臺。源泉細繞西山出。雲氣深從北極來。萬里乘槎觀日月。十年登閣望蓬萊。黃塵碧水須臾事。莫使魚龍夜夜哀。

送戴進士時亮

戴生長嘯出燕州。知爾尋仙不可留。相望有時攀玉樹。此行何地訪丹丘。乘風逝鼓洪濤柁。觀日回登江海樓。白日果然生羽翼。青雲何羨帝鄉遊。

九日雪答崔內翰

常言九日多風雨。風雪今年更可哀。颭颭仍兼木葉下。輝輝故弄菊花開。關河朔氣催燕塞。城闕秋陰起漢臺。今日春秋誰紀異。亦知君是廣川才。

月夜宗哲宅贈勤甫江西提學

高城吹角此宵寒。遠客今謫行路難。歲暮風烟殊去住。天涯燈火共悲歡。西江日落移舟入。南斗星懸倚劍看。廬嶽玉山千萬里。不知何地望長安。

送蔣子雲病還揚州

卧病長安不出門。話歸南國暫留尊。春來日日風塵色。海畔冥冥天地昏。坐傍桃花停岸舸。行隨楊柳到

江村楚山亦有薜蘿草遊子空傷萬里魂

送韓大之赴新都

漢庭仙令幾時回蜀道風烟此日開萬里一琴將鶴
去九天雙鳥望鳥來雲邊石棧斜懸閣樹裏春流曲
抱臺藏器久知盤錯志脫囊今見古人才

懷寄邊子

汝從元歲侍今皇誰念先朝老奉常一出雲霄空悵
望十年岐路各蒼茫春天縹緲金莖露晝日氤氳紫
殿香獨有楊雄尚陪從白頭抽筆賦長楊

送張舜臣赴甥館

顧清

放鶴亭前十里花東風羅綺正繁華靈妃不枉三山
駕漢使先乘八月槎此日便應翔玉燕當年何必飯
胡麻從今不管衡陽鴈高別銀燈照碧紗

東原為王庭直賦

李麟

越山迢遞接蓬萊山下平原一徑開樹繞江流天外
盡鳥分雲影日邊來東風道路迷芳草殘雪溪橋見
野梅安石未應高卧久天涯回首獨憐才

庚辰元日

顧璘

諸侯玉帛會長安天子旌旗下楚關共想正元趨
紫殿翻勞邊將從金鞍滄江飲馬波先靜黃竹回

鑿雪正乾。北極巍巍天咫尺。五雲長護鳳樓寒。

寄和趙戶曹叔鳴西寺游曠

水香花氣鳳樓西。宿雨初晴御苑泥。萬柳曉含蕭寺
暗。五雲春壓漢宮低。行經繡陌啼鶯滿。迴望蒼郊遠
樹齊。獨念江南愁病客。竹窻斜月卧聞雞。

病中憶魯南欽佩

空齋高卧動經旬。遠夢天涯憶故人。典禮尚聞劉向
起。草玄猶奈子雲貧。江樓積雨鳴長夜。山郭餘花墮
晚春。人世幾何將白髮。年年離恨獨傷神。

謝答景伯時

移官東海已經年。長憶瀟湘灑淚篇。鴻鴈獨能踰嶺
去。梅花何意向人妍。艱危轉覺同心貴。懶散空勞衆
口憐。齒髮似君情獨倦。只應歸種汶陽田。

寄許州七弟瓌

千官扈從羨能文。謫牧新聲天下聞。落魄吾家蘇季
子。風流南郡小馮君。魚龍路怯黃河險。鴻鴈聲愁碧
海分。莫上吹臺瞻越嶠。五湖回首隔重雲。

正月十日

邊貢

城上旌旗閃夕光。城邊戈甲儼龍驤。郊門月上遊塵
靜。輦路春回細草長。千古再逢周禮樂。十年曾奉舜

衣裳行宮咫尺天俱遠。愁見林鴉接翅翔。
坐上奉贈白巖少卿

淮陰廟前沙路微。井陘口下行人歸。丘園別後新松
老。關塞經過舊壘稀。駸駸羽騎聯春甸。隱隱山城啓
夕扉。却顧太行應歎息。十年空望白雲飛。

次獻吉留別韻

初春郊甸積雪滿。客子出門歧路長。征車杳杳去不
息。關柳青青殊未央。却望泰山懷故道。即歸梁苑亦
他鄉。十年京洛交遊地。日夕風烟思渺茫。

次韻寄劉銅仁

地濶天長柰爾何。春風門巷少經過。遙憐白髮星星
短。無奈風塵日日多。懷舊獨吟平子賦。感時偏憶少
陵歌。江村細雨蘼蕪長。是處扁舟有釣蓑。

湖亭夜別柴奚二紀功述懷

十年青瑣逶迤地。此日逢君感昔遊。簪筆曉隨龍虎
仗。鳴琚春入鳳凰樓。倉皇出牧臨江郡。貧病歸來守
故丘。溪水野烟俱寂寞。夜深相送不勝愁。

內黃道中

黃池岸邊風起沙。江陵行客正思家。郎愁朱紱淹歸
計。况對青林感物華。南郡永懷丞相栢。東門誰種故

侯氏荒臺古苑經過地。落日時聞奏鼓笳。

龍潭夜坐

王守仁

何處花香入夜清。石林茅屋隔溪聲。幽人月出每孤
往。棲鳥山空時一鳴。草露不辭芒屨濕。松風偏與葛
衣輕。臨流欲寫倚蘭意。江北江南無限情。

三山晚眺

南望長沙杳靄中。鵝羊只在暮雲東。天高雙櫓哀明
月。江濶千帆舞逆風。花暗漸驚春事晚。水流應與客
愁窮。北飛亦有衡陽雁。上苑封書未易通。

興隆衛書壁

山城高下見樓臺。野戍參差暮角催。貴竹路從峰頂
入。夜郎人自日邊來。鶯花夾道驚春老。雉堞連雲向
晚開。尺素屢題還屢擲。衡南那有鴈飛回。

南征宿伏波祠下

樓船金鼓宿烏蠻。魚麗群舟夜上灘。月繞旌旗千嶂
靜。風傳鈐析九溪寒。荒夷未必先聲服。神武由來不
殺難。想見虞庭新氣象。兩階干羽五雲端。

落花次沈啓南韻

唐寅

節當寒食半陰晴。花與蜉蝣共死生。白日急隨流水
去。青鞋空作踏莎行。收燈院落雙栖燕。細雨樓臺獨

轉鶯休向東君訴。思怨自來春夢不分明。

九日

曾鐸

九日園亭獨舉杯。夕陽餘興復登臺。清池白鳥聯翩下。曲徑黃花爛熳開。儒術無功慚潦倒。帝鄉多病賦歸來。澆畦弄釣堪消日。不道無情歲月催。

初至金陵

徐問

東南佳麗九州通。四十年來想像中。草昧艱難王業遠。金城繚繞帝圖雄。長江浴日吞吳會。疊嶺流雲捧漢宮。自是野人心在野。每將遐矚送歸鴻。

旅興

王廷相

旅遊日日滯歸槎。歲杪鴻飛苦憶家。采采雨荒陶令菊。離離秋冷邵平瓜。幽時夢想烏皮几。遠道愁吟白鼻騮。回首乾坤真浪跡。風塵荏苒一長嗟。

寄兄

李時

載酒姚園話鄭城。連床回首歲華更。趨朝自覺丹心苦。在野誰憂白髮生。鵝沼夢回春草合。鯉庭愁絕暮雲平。貪看荆樹憑闌久。風送遙天過鴈聲。

驪山懷古

孟洋

翠巘丹梯雲霧端。朝元高閣獨遊觀。芙蓉映日三峰出。檜栢生風五月寒。花外旌旗春駐輦。柳邊燈火夜

迴鑿漢宮秦墓俱荒草。渭水終南歲歲看。

春雨亭

黃鞏

濱江亭子鎖春陰。一水盈盈雨正深。小徑飛花紅正濕。柴門垂柳綠初沉。坐深野老還爭席。聽近樵歌不出林。莫是向來遊眺處。東風吹動故園心。

晚過獻吉齋所

徐禎卿

端居聞子肅清脩。吏散鴉啼省署幽。芳草不知人獨往。空山何意鳥相求。開軒歷歷明星夕。隱几蕭蕭古木秋。自昔風塵堪吏隱。浮生莫遣有離憂。

送耿晦之守湖州

遠下吳江向雪川。高秋風物倍澄鮮。鷓鴣菰葉翠相亂。錦石遊鱗清可憐。郵渚頻過津吏鼓。漁歌唱近使君船。吳興峴山足勝事。漢水襄陽空昔賢。

南征

孫一元

南征五月動旌旄。瘴靄蠻烟望日勞。此日壺漿迎虎旅。幾年江海泣弓刀。戍樓鷓鴣落風雲。壯野日猩啼戰壘。高更喜皇天能悔禍。不妨遊子卧江皋。

癸酉中秋同吳興凌時東海昌董子言陳用明

西湖玩月爛醉歌此

十里蒹葭雨盡收。西湖一望月光浮。野袍白幘同幽

事○旅○米○蓮○房○作○好○秋○波○靜○龜○龍○聽○醉○語○夜○涼○河○漢○帶○
漁○舟○高○情○盡○在○形○骸○外○不○用○逢○人○說○勝○遊○

彭城避地

鄭善夫

朔○水○剡○門○誰○問○津○洪○河○波○浪○眼○中○新○孤○舟○此○夜○山○城○
雨○短○劍○長○年○驛○路○塵○鄭○老○有○官○無○飽○飯○杜○陵○多○難○每○
依○人○飛○書○近○報○齊○梁○破○何○地○江○湖○托○此○身○

天末逢故人

不○耐○秋○風○搖○落○後○與○君○把○袂○看○飛○蓬○關○山○無○地○干○戈○
息○江○海○何○年○咲○語○同○歲○晏○柳○條○那○忍○折○天○涯○車○轍○尚○
難○通○蕭○條○更○問○桑○乾○路○目○斷○園○陵○烟○霧○中○

人日

病○起○獨○吟○溪○上○樓○烟○波○雲○木○共○悠○悠○細○斟○柏○葉○酬○人○
日○漫○嗅○梅○花○憶○隴○頭○天○末○美○人○長○在○望○路○危○春○色○未○
銷○憂○南○行○故○國○柴○門○迥○擬○把○綸○竿○伴○白○鷗○

秋興

湖○上○清○霜○淨○柳○條○南○天○九○月○氣○蕭○蕭○歲○寒○蘭○芷○將○無○
變○日○暮○豺○狼○迥○自○驕○三○輔○尚○淹○王○景○畧○北○庭○終○數○霍○
嫖○姚○風○烟○着○處○堪○踈○濶○白○水○青○山○每○見○招○

九日憶近夫

忽○憶○齊○州○殷○給○事○經○年○不○見○使○人○來○往○時○皂○帽○真○能○

落此日黃花何意開。南國眼深鴻雁字。暮雲天遠鳳凰臺。泰山梁甫輸心地。報汝瑯瑤清夢迴。

秦陵

千林松檜鬱相迴。永夜風生瀚海哀。萬國昔曾瞻氣象。五雲空復護崔嵬。古來鳳鳥長難至。天上龍髯定不回。苦憶焚香賜第日。報恩真愧濟時才。

九日登子陵釣臺

富春山下嚴陵瀨。九日風光興不違。白石滄波元自好。鳴鷺飛鷺早知歸。南陽文叔求賢遠。相府侯生識面稀。王業帝謨俱莫問。百年江海有漁磯。

後秋興

江湖霄漢不相聞。獨撫龍泉看斗文。燕雀豈知鴻鵠志。鳳麟終遁羽毛群。閉門春事生黃葉。去國秋山長白雲。傳語元豐舊遷客。好將王道輔明君。

中秋齋宿對月懷儼山

張邦奇

秋風嫋嫋動長安。銀漢無雲碧落寒。星出高槐知漏永。露溥豐草覺衣單。澄沙似水環青殿。紅葉如花擁畫闌。最好玉堂今夜月。與君分倚鳳樓看。

秋野

方鵬

涼雨經旬暑盡消。秋花楓葉暗溪橋。深深門巷迴車

馬浩浩江湖隔市朝。滿地杭稌喧鳥雀。幾家烟火混
漁樵。非無使者弓旌在。水濶雲多不可招。

過楊六郎故城

周金

倒馬關頭寒日西。孟良曰畔風淒淒。山河未改豪華
盡。夷夏平分草樹迷。雪浪似從銀漢瀉。星門真與白
雲齊。可憐絕壑空烟裏。古戍無人鳥自啼。

王明叔同年夜集

薛蕙

映燭吟詩春霧生。開簾窺雪夜寒輕。花邊仙吏雙鳥
鳥。雲裏羸洲五鳳城。對酒已拚連夕醉。相思不柰隔
年情。官河南望冰潭綠。愁見蘭橈送客行。

寄邢伯輿

僊掖自通青瑣闥。近臣多在紫微垣。苑中雲去金莖
出。仗內風來赤羽翻。天上諫書藏太史。人間詩句見
開元。獨憐卧病秋江客。愁對蓬蒿日滿園。

孫氏沱西別業

巴陵西來沱水深。水邊樓閣自陰陰。鼉鼉夜出洞庭
岬。虎豹晝啼雲夢林。鼓柁乍逢漁父笑。舉舟時聽粵
人吟。卜居何日從公去。擬向桃花處處尋。

題張子醇西郭草堂

山人卜築城西郭。日日西山爽氣來。細雨濛濛丹磴

濕晴雲。裊裊翠屏開。堦前蔓草穿書閣。石上松林覆
奕臺。况有春湖可乘興。他時須作泛舟迴。

睡起

午夢初醒。卯酒消。不知風雪已終朝。客來小閣聊盤
礴。鳥散空園轉寂寥。老境時時懷故舊。官途事事讓
漁樵。古人堅卧非無意。未必淵明爲折腰。

贈繼之

長安城中不可留。風塵日日使人愁。上書解印我將
去。拔劍出門君且休。五岳登臨幾兩屐。三江來往一
扁舟。東西南北好行樂。與爾相隨萬里遊。

酬馬戶部雨中送別

劉儲秀

老去江鄉會馬卿。那堪別路雨猶鳴。年華冉冉嗟何
待。世事悠悠話未成。江上黃蘆鴻雁影。山前紅槿鷓
鴒聲。亦知不是悲秋客。笑問如何太瘦生。

留別許舍人文燦

舒芬

漫將心事話連床。魂夢凄然此夜長。萬里風雲雙敝
屐。十年江漢一空囊。情如桃李偏愁雨。性自芙蓉未
怯霜。明日丈夫成慨別。莫隨岐路挽衣裳。

至日

朱豹

官衙初散午陰陰。至日山城酒自斟。雲物謾書南國

異江鱸空繫故園心。天涯白鴈聲何遠。庭下青松色更深。留滯海隅如夢裏。歲華人事轉侵尋。

感春憶周少安

王謳

春來事事傷懷抱。却向春前把酒盃。人事蕭條還易醉。花枝遲暮獨難開。看書欲待三江鴈。繫馬還登萬里臺。南北浮雲應自散。可堪惆悵日徘徊。

適仙樓

張治

太白仙魂何處招。蛾眉亭下草蕭蕭。青山舊宅自春雨。落日寒江空暮潮。朱瑟遺音三歎絕。炎荒歸夢一身遙。玉魚金盃終塵土。紫極丹丘謾寂寥。

道場紀事

黃髮真人戴玉冠。身騎金虎佩蒼鸞。俯窺日月行丹極。貪禮星辰拜石壇。旛影一庭仙掌淨。鐘聲萬戶綵雲寒。朝元初罷千官下。碧宇沉沉夜未闌。

醴泉寺訪范文正遺迹

陸鈇

薜蘿烟霧鎖崔嵬。丞相祠堂倚寺開。地湧靈泉千澗落。僧傳香火百年來。埋金事往留丹穴。洗墨池空長綠苔。夜靜孤峰明月上。鐘聲偏到讀書臺。

湖夜

王寵

水月蒼蒼相蕩摩。四天風起碎星河。往來直欲吞雲

夢。老去寧辭着芰荷。綠酒藏真時嘯傲。青山作伴夜
行歌。金輿玉座千年事。腸斷吳江東逝波。

次遂溪書事

袁泰

荒村古堞樹陰陰。下馬停車試一臨。城郭蕭條經戰
後。山川搖落對秋深。劉琨報主聞雞舞。諸葛匡時抱
膝吟。北虜南蠻憂不細。江湖空有廟廊心。

大梁城樓作時有潞賊之警

飛樓百尺層城上。極目中原感慨多。天設潼關包太
華。地分嵩嶽枕黃河。西山寇盜悲多壘。北關旌旗望
凱歌。日暮憑軒空涕淚。幾時諸將罷干戈。

徐氏宅內花園

樊鵬

春城風日碧含沙。走馬新堤送落花。甲第共分諸戚
里。名園還屬上公家。秦樓笙管催光景。鄭谷林泉別
歲華。莫道延陵賓客少。五侯時過七香車。

李司訓邀賞芙蓉病不能赴

孫學古

幽齋曲傍碧池隈。兩見芙蓉映水開。載酒久拚花下
醉。抱琴虛擬竹邊來。愁中祇覺紅塵擾。病裏偏驚白
髮催。安得政成多暇日。數隨賓從共徘徊。

庚戌八月虜變

梁有譽

白草蕭蕭太野間。單于獵火照秋山。坐令鳴鏑侵周

旬不見封泥守漢關。郡邑瘡痍嗟正苦。邊庭供餉轉
多艱。九重已命嫖姚將。為報蒼生一解顏。

秋夜與謝山人茂秦

求夜風林怒未平。不眠烏鵲自多驚。清霜滿樹禁鐘
斷。缺月低空憐杵鳴。燕趙浪遊今日意。乾坤長嘆古
人情。黃塵鬱鬱俱無賴。擬共漁樵過此生。

張掖門送座主朱公旅櫬還歸德

丹旄遙馳睢水濱。都門慟哭起行塵。乾坤尚想凌雲
賦。烽火空傷報國身。季子劒留悲異日。中郎書在與
何人。南湖烟水秋應慘。不過西州亦愴神。

七言排律

思春曲

宋濂

美人別我城南去。幾見樓頭涼月生。南浦沉書傳素
鯉。東風將恨與新鶯。丁香枝上同心結。芳苒燈前白
髮明。花逐斷魂隨襪步。草移愁色上簾旌。物華半老
臙脂苑。春霧輕籠翡翠城。歌扇每疑遮月面。舞衫猶
記倚雲筇。因彈別鶴心如剪。為妬文鴛繡懶成。銀燭
不啼偏有淚。絳桃無語自多情。陽臺樹密朝霞迥。巫
峽潮回暮渚平。幸有夢中能聚首。醒來偏惱玉簫聲。

送王知縣上計朝京

謝肅

封章上計宜居最奉命朝天在及期金闕九重環象
魏王春一統合華夷班聯簪笏揚休日樂聽簫韶錫
燕時喜向楓宸沾帝澤好歸花縣慰民思殷勤農
父耕疇勸揖遜鄉人飲酒儀發婦何煩孟嘗訴孝娥
仍誅度公辭淳風百里真堪復善政三年屬有爲莫
道外官非近侍鍾山咫尺五雲飛

具慶堂爲孫皇親繼宗作

曹鶴

侯門積慶百餘年堂上雙親雪滿顛曉日龍光雙闕
下春風甲第五雲邊金貂玉帶恩榮重珠翟霞帔福
壽全椿樹綠連瑤島秀萱花紅映綵衣鮮笙歌迭奏

長生曲龜鶴同期不老仙賜出御醪瑤作鐘騎來宮
馬錦爲韉蟠桃歲薦金盤露細柳春傳蠟炬烟敢恃
簪纓聯戚畹只將忠孝格皇天朝回每奉三牲養志
定常懷一德堅麟閣丹青昭萬古芳名肯讓昔人賢

題楊應寧贈周司徒致政卷 王鴻儒

黃髮聲名四海聞忽辭鴛序狎鷗群公卿盡上留
疏朝野猶騰責沈文行色蕭蕭楊少尹吟情炯炯鮑
參軍從來直士多違物自昔高人善解紛楓陛爐烟
離御榻柳溪書屋俯清沅五年去國非輕世一飯登
筵敢忘君鳴玉禁垣思左掖賦詩秘殿憶南薰鈞天

自歇遊仙夢。冊府誰明。扈聖勛。晴霽半川。林似畫。晚
風十頃。稼如雲。尋僧遠寺。峰巒密合。候月涼臺。浦漉分
難與兒童論。出處時招父老。話耕耘。鶯花園圃。紛紅
艷。鳧藻池塘。澹綠紋。劔几紫駟。碑價裕芝蘭。玉砌樹
芳殷。導揚麗則。追騷雅著。述雄深。協典墳。金馬暫遙
還。擬到銀魚。雖舊未湏焚。化源可忍忘。調燮時病能
無置戚。欣公道浩然歸。范老文堂久矣。待奚斤。皇
恩早晚求耆舊。威鳳重看入紫氛。

送胡主事犒廣西軍便道耒陽迎母

李夢陽

七年重泛楚江舲。五兩飄飄過洞庭。諭蜀長卿元建
節。平佗陸賈亦談經。地從湘口分吳徼。邑在衡陽對
軫星。此去先過杜陵院。與誰同上合江亭。炎花瘴草
供行目。徭唱夷歌引客聽。鼯鼠晝啼諸峒黑。野猩晴
語亂峰青。蠻荆本自勤周旅。南越終當繫漢庭。荔浦
技窮甘釜益。梧川兵接詫雷霆。威餘虎豹藜難采。血
跡鯨鯢水尚腥。俄喜御書頒內帑。極知恩澤到重溟。
兔臨烏照誰非土。陰慘陽舒各有靈。巢屋羽毛春拍
拍。洗天風雨晝冥冥。花明幕府頻張宴。路出磨崖早
續銘。馬援還朝銷薏苡。馮驩傲世倚青萍。蒼蒼百粵

悲南狩渺渺三湘吊獨醒夢渚鴈回書不滯武陵雲
起思俱停悲傷薰草追金勒點綴桃花惜玉瓶若道
朱絃無絕響詎應黃髮有遺刑司徒邦計遙憐汝粉
署爐香不可肩綵服便須隨綵鷁白頭同離白蘋汨

明音類選卷之十一

明音類選卷之十二

五言絕句

蓮塘曲

落日下蓮塘○輕舟趁晚涼○偶然花片落○飛出兩鴛鴦○

劉基

惱儂歌

白惡養雛時○夜夜啼達曙○如何羽翼成○各自東西去○

秋思

梧桐生碧砌○密葉暗金井○驚心昨夜月○照見棲禽影○

閨詞

剔却燈花蕊○從教污翠鈿○幾回虛報喜○誤妾不成眠○

歲晏

歲晏悲風急，空江白晝陰。黃蘆與紅蓼，無處不傷心。

過吳山城

汪廣洋

夜過吳城下，不眠閑倚窓。逝流雙櫓健，搖月下西江。

紅梅

王冕

深院春無限，香風吹綠漪。玉妃清夢醒，花雨落臙脂。

題亭上壁

宋濂

意隨流水行，却向青山住。因見落花空，方悟春歸去。

江上漫成

高啓

春色到江濱，江花樹樹新。行吟憔悴客，誰道亦逢春。

別呂隱君

孤舟晚溪口，欲去重回首。不恐別青山，況此山中友。

淵源堂夜飲

懸燈照清夜，葉落堂下雨。客醉已無言，秋蛩自相語。

夢中作

悠悠衆擾去，寂寂孤吟歇。雨過滿窓涼，高林上明月。

阿那環

牛羊草漫野，大帳天山下。十萬控弦兒，聞狐齊上馬。

團扇郎

團扇圓且潔，人言似明月。明月豈得如，長圓不魯缺。

陌上桑揚基青青陌上桑。葉葉帶春雨。已有催絲人。咄咄桑下語。

聞柝

孤館月如霜。閣閣鳴秋柝。羌兵未解圍。淚逐寒聲落。

自君之出矣

黃哲

自君之出矣。無復托鱗音。思君如晝燭。淚盡不明心。

胡騎圖

張羽

陣火照紅雲。龍庭戰未分。金兜上馬去。應避李將軍。

觀魏武本紀

促路蜉蝣短。雄心日月長。玉牀飄總帳。徒自戀餘香。

折楊柳

徐賁

人言折柳惡。儂言折柳好。倘向柳邊行。識君去時道。

烟波亭

吳琳

漢水連天闊。江雲護曉寒。青青山數點。最好倚闌看。

題翠竹

許繼

鳴鳳去已遠。湘江春自流。鷓鴣烟雨裏。翠黛不勝愁。

昭君

劉崧

承詔辭金闕。含悲入塞城。可憐沙上月。渾似漢宮明。

結客行

結客千金盡。酬恩一劍存。羞為狗盜伍。不傍孟嘗門。

阿那環

夜雪漫氈城。聞猿三兩聲。漫山是獵火。照着漢家營。

江邊柳

朝送木蘭船。暮迎征馬鞭。非關離別苦。生長在江邊。

胡虛白

竹磧

脩竹蔭南澗。脩脩靜於洗。獨往坐清陰。彈琴對流水。

楊士奇

野亭

秋日野亭上。四望盡青山。飛鳥去無極。白雲相與還。

秋陰

寒雲將遠空。落葉與飛鴻。漢苑秦陵外。悲涼是此中。

梁潛

送別

綠水灑汀洲。風起江南秋。烟波送孤客。關河生遠愁。

王汝玉

涉溪

晝涉溪猶淺。暮行溪忽深。水猶如此變。安可測人心。

遠和

遊清遠峽山寺

寂寂長林下。僧房瑣碧苔。烟深猿嘯斷。徙倚獨遲迴。

金陵懷古

落日滄江雨。東風廢苑春。莫言三國士。猶勝六朝臣。

張楷

山居

水抱孤村遠。山通一徑斜。不知深樹裏。還住幾人家。

劉球

秋閨

散步瑤階下。庭空不見人。回頭顧明月。惟有影隨身。

于謙

客中對月

丘濬

萬里思歸客。傷心對月華。欲憑今夜影。回照故園花。

婕妤春怨

張璠

太液柳垂絲。昭陽花滿枝。如何長信草。獨是見春遲。

宮草

高壁

宮花已寂寞。宮柳亦凋零。惟有宮前草。春來依舊青。

東浦夜泊

謝績

日落潮生浦。天空月上沙。歸舟與飛鳥。相趁入蘆花。

客中春晚

郭登

遠塞書難寄。空庭花自開。舊巢雙燕子。今歲不曾來。

桔槔亭

李東陽

野樹桔槔懸。孤亭夕照邊。閑行看流水。隨意滿平田。

桃溪

謝鐸

淺水難容棹。繁花自作村。分明幽絕地。不是武陵源。

長安春日作

釋機先

何事長安客。春來思易迷。樂遊原上草。無日不萋萋。

懊惱曲

史鑑

行路莫行遠。看花莫看遲。花遲少顏色。路遠長別離。

遊湘山寺

蔣冕

孤塔聳山腰。鐘聲隔烟樹。朝暮見雲飛。不見雲歸處。

晚出禁闕

李夢陽

楊柳南城道。芙蓉小苑通。內使來調馬。君王勅射熊。

東華門偶述

銀甕爛生光。盤龍繡袂香。但知從內出。不省賜何王。

宿蘇門

北風吹山雲。不見山上月。蘇門一夜雨。千峰盡成雪。

贈何舍人

朝逢康王城。暮送大堤口。相對無一言。含悽各分手。

白雪曲

何景明

微雪不到地。宛轉高雲裏。時有飛花落。風迴更吹起。

河水曲

河水何濺濺。暮采河邊蘭。君從河水去。我獨立河干。

獨坐

獨坐鳴蟲起。秋懷已不勝。西風窓下度。木葉洒寒燈。

山中雜詩

邊貢

下馬古寺邊。偶與山僧遇。相對兩不言。蟬聲在高樹。

無題

楊柳三春暮。沙場萬里餘。紫騮何日返。空有寄來書。

送于利

離腸似連環。宛轉不可絕。相送淮水秋。相思燕地雪。

冬至上陵途中

蜿蜿野田中。白路淨如掃。停鞭問征客。云是居庸道。

江南樂二首

徐禎卿

生長在江南。不識江北住。家在閭門西。門垂雙柳樹。

人言江南薄。江南信自樂。采桑作蠶絲。羅綺任儂著。

落花

薛蕙

今朝卷簾看。時見一花飛。不惜芳菲盡。春風稍稍稀。

早秋

為愛新秋至。朝來步水濱。微風猶未起。涼意滿青蘋。

野步

袁孝

新月生西嶺。窈窕穿叢薄。林深不逢人。時有松子落。

六言絕句

題畫竹

劉基

葉間重露猶滴。林表寒烟未開。想見沅湘江上。月明

環珮歸來。

陶秘書廣陵送別圖

高啓

暮雨潮生瓜步。春山樹繞燕城。惆悵蘭舟欲發。江南

烟寺鐘聲。

徐良甫耕釣軒

徐賁

荷鋪喜逢春雨鳴榔漸近黃昏誰道南陽渭水不似湘江鹿門

題鄂渚贈別圖送人歸廬陵二首 楊士奇

鸚鵡江中紅樹鳳凰城裏青山借問來遊幾日秋水蘭舟獨還

客遊黃鶴磯畔家住金魚浦前心似波間明月隨君直到螺川

題王舜耕畫

許彬

流水橋頭行客青山樹杪人家仙源正在何處松蘿

深鎖烟霞

舟中偶成

史鑑

清澤庄前釣艇奉先院畱禪床綠樹數聲啼鳥青山一秣斜陽

出城

李東陽

塞鴈衝寒獨迴柴門傍煖初開青到城頭柳色東風昨夜歸來

便面小景

綠盡平川渺渺青含遠樹依依芳草原頭雨過夕陽江上船歸

江南思

何景明

細雨寒城催棹。夕陽孤嶼鳴鐘。到寺莫題蕉葉。過江為采芙蓉。

蓋屋清明

客裏遙逢令節。城中不見繁華。南山漠漠烟遠。清渭迢迢日斜。

田園樂

薛蕙

一徑垂楊高下。數家流水東西。麥隴青青雉雉。柴門寂寂鶯啼。

七言絕句

讀史有感

劉基

千古懷沙恨逐臣。章臺遺事最酸辛。可憐日暮高唐夢。遶盡行雲不到秦。

宮怨

何處春風拂苑牆。飛花片片入昭陽。多情尚有池邊柳。留得啼鶯伴日長。

江上

紅蓼丹楓一色秋。楚雲吳月共悠悠。人闌萬事西風過。惟有滄江日夜流。

春日雜興

日自西馳水自東。落花飛絮總隨風。舊巢燕子今何處。烟雨亭臺似夢中。

楊柳枝詞二首

長干橋邊楊柳枝。千條萬縷鬱金絲。人來人去爭攀折。無復青青映酒旗。
三月垂楊綠葉齊。無朝無暮子規啼。飛花袞袞向東去。却被東風吹向西。

春江曲

江上風帆日日歸。獨自在夫音信稀。無因化作鷓鴣鳥。隨着郎船到處飛。

題二喬圖

江上桃花紅粉腮。偶然吹入玉堂來。東風日暮和烟雨。多少飄零委綠苔。

絕句

花落江臯宿雨晴。野烟消盡見蕪城。鳳蕭一去無消息。不及年年綠草生。

磨石岡作

磨石岡頭雲濕衣。謝公墩上雨霏霏。西風忽捲殘陽出。臨水登山忘却歸。

過張士誠故宮

明子裝選
卷三
姑蘇臺下垂楊柳。曾為張王護禁城。今日淡烟芳草。裏暮蛩猶作管絃聲。

秋日卽事

春花秋草兩悠悠。素髮多情却滿頭。落葉自隨流水去。遠山空帶夕陽愁。

遊金華山

汪廣洋

空翠盤盤下鶴群。仙家鷄犬靜中聞。東風忽送廉纖雨。吹落松梢幾片雲。

江上

大山小山松樹齊。千聲萬聲子規啼。攬衣起舞夕露

下三更月出吳城西

東吳棹歌

玻璃冷浸洞庭山。雪竹攢青橘柚斑。白髮吳娃笑相語。官船不似釣船閒。

應制題梅

王冕

獵獵北風吹倒人。乾坤無處不沙塵。胡兒半死長城下。誰信江南別有春。

題水殿納涼圖

詹同

湖上闌干百尺臺。臺邊水殿倚雲開。紅橋人隔荷花語。玉盃金盃進雪來。

舟過黃陵廟

黃陵廟前倚船窓。水淺沙平屬玉雙。山外斷雲寒日晚。半篷殘雪下湘江。

題爛柯山圖

張以寧

人說仙家日月遲。仙家日月轉堪悲。誰將百歲人間事。只換山中一局棋。

題白鹿仙人圖

梁寅

百尺蒼松雲氣重。千年白鹿澗邊逢。仙人月下吹簫起。知在緱山第幾峰。

少年行

高啓

下直平明出禁門。笑提博局伴王孫。寶刀不敢將輸却。明日沙場欲報恩。

吳王井

曾開鑑影照宮娃。玉手牽絲帶露華。今日空山僧自汲。一瓶寒供佛前花。

候朝

月明立傍御溝橋。半啓宮門未放朝。騶吏忽傳丞相至。火城如晝曉寒銷。

寄王彥舉

孫蕢

綠楊陰下玉驄嘶。絲絡銀瓶帶酒携。夢入南園聽夜

雨不知身在蔣陵西

楊妃對鏡圖

舞鸞金背隱清光○中有開元墮馬粧○一線枕痕春色○
淺○夜來知是夢○漁陽

天平山中

細雨濛濛濕棟花○南風樹樹熟枇杷○閑行不記山深○
淺○一路鶯聲送回家

楊基

十二紅圖

何處飛來十二紅○萬年枝上立東風○楚王宮殿皆零○
落○說盡春愁細雨中

西湖上書所見

采蓮女兒蓮花腮○藕絲衣裳難剪裁○瞥然一見唱歌○
去○荷葉滿湖風雨來

秋夜雜興

黃哲

秦淮橋下江水清○鳳凰臺前霜月明○莫愁艇子繫何○
處○揚柳蕭蕭無限情

折楊柳詞贈朱文昭

綠陰馳道繞隋宮○拂雨撩烟送晚風○萬樹千條都折○
盡○不堪回首盡橋東

燕山春暮

張羽

金水橋邊蜀鳥啼。玉泉山下柳花飛。江南江北三千里。愁絕春歸客未歸。

江行二首

王佐

秋風簌簌動霜林。江上新涼思不禁。明月碧天波渺渺。可堪腸斷更聞砧。
江水悠悠行路長。孤鴻啼月有微霜。十年踪跡渾無定。莫更逢人問故鄉。

開歲卧病

郭奎

卧病文園渴未消。自從人日到花朝。不知楊柳將春色。綠到淮南第幾橋。

贈白苧山庵道人楊玄中

四望亭前姑孰溪。道人種玉在山西。古松數株秋滿屋。青鳥月明時一啼。

宮詞

王蒙

南風吹斷采蓮歌。夜雨新添太液波。水殿雲廊三十六。不知何處月明多。

題秋江小景畫

劉崧

美人鳴弦思瀟湘。斜飛金鴈不成行。夜深彈徹烏栖曲。月照寒江萬樹霜。

書鐵鑪驛

史公謹

銅鼓營前日欲西。鐵爐岡下鷓鴣啼。却憐迢遞南來使。萬壑千崖入窹溪。

并州寒食

浦源

夢入故園千里遠。覺來寒食在并州。垂楊不是相思樹。那得花開便白頭。

詠墨竹

王紳

瀟湘江上暮雲迷。落日無人翠羽低。艤棹黃陵廟前宿。一篷春雨鷓鴣啼。

題小畫

青蘿山下結松樓。幾度臨風憶舊遊。今日畫圖看彷彿。

佛淡雲疎木不勝秋。

贈同舟從軍林生

任原

青天無盡碧波長。百尺雲帆挂夕陽。海路音書何處寄。北風吹鴈不成行。

西湖二首

釋來復

芙蓉灣口綠陰斜。吹笛何人隔彩霞。驚起沙頭雙翠羽。銜魚飛上刺桐花。

流觴亭子鳳山阿。都護行春小隊過。笑擲金錢花底醉。玉簪彈出白翎歌。

宋徽宗棠梨凍鵲

五國城頭落日低。故宮南望思淒迷。秋風吹殺棠梨樹。不得雙禽自在栖。

宮詞

王司綵

璚花移入大明宮。旖旎濃香韻晚風。贏得君王留步輦。玉簫遼亮月明中。

三十六灣

楊士奇

湘陰縣南江水斜。春來兩岫無人家。深林日午鳥啼歇。開遍滿山紅白花。

竹枝詞

胡儼

船頭烟暝浪花飛。船裏風來浪濕衣。獨棹蘭橈下蓮

渚。迎郎不見又空歸。

詠箏鴈

劉績

絃絃相近不相離。入調頻將玉手移。最恨曲終人散後。影分行斷各參差。

元夕午門觀燈應制

金幼孜

閭闔重重夜不扃。瓊樓十二敞銀屏。東風一曲昇平樂。此夜都人盡許聽。

山窓夜雨

深澗垂蘿暗竹房。半枝殘燭雨聲涼。蕭條樹葉千峰裏。不獨猿聲斷客腸。

折楊柳

晏鐸

河橋楊柳半無枝。多為行人贈別離。羗虜不知蕭索盡。月明空向笛中吹。

塞上曲

施敬

八月秋高塞草斑。將軍千騎獵前山。彎弓不射南飛鴈。恐有征人附信還。

題竹

王綬

宮樹栖鴉拜夕郎。洞門烟靄竹蒼蒼。珮聲搖曳歸來晚。香篆初消月到床。

漁村

王汝玉

汀葦蒼蒼白露疑。一灘寒月未收罾。西風吹醒江南夢。四壁蛩聲半夜燈。

山行

蘿蔦陰中是幾家。青山數轉到門斜。桃源祇在鷄聲裏。不用緣溪認落花。

元宵紀事四首

王直

鰲山新結翠重重。中有回欄曲曲通。開着午門南面看。峰巒如在半天中。

中甸初夜放燈時。通事分頭引外夷。衣服各殊班次別。廷中一一教先知。

重閉金門尚未開。千官徐步暫徘徊。空中忽地聞仙樂。知是君王玉輦來。中門初啓御筵高。傍邊內侍分行立。羽節蛇弓雜佩刀。

見鞦韆作

賭勝高高欲入雲。暖風飄動石榴裙。經過馬上聊回首。不是風流舊使君。

送僧歸石城

王達

月照空山鶴在松。夢中猶聽石城鐘。今朝又向江頭別。目斷孤雲意萬重。

為陸以平題畫

張和

九疑空翠隔烟波。北渚雲橫有鴈過。欲采芙蓉寄離恨。碧天秋晚奈愁何。

至晉陵作

布帆搖曳夕陽斜。渡口南風起浪花。路入晉陵三百里。故鄉回首是天涯。

晚渡石湖

畫船搖曳水雲鄉。湖上南風作晚涼。醉擊唾壺歌小海。藕花飛出兩鴛鴦。

題畫瓜

聶六年

翠實離離引蔓秋。西風涼露滿林丘。東門尚有閑田地。千載無人說故侯。

鴈來紅

張迪

蘇武音書寄便風。上林飛箭落征鴻。至今血染庭前草。一度秋來一度紅。

鞏洛道中

薛瑄

嵩高雲氣晚嵯峨。清洛西風咽急波。水色山光渾似鷺。漢家陵墓夕陽多。

春日即事

一夜春風柳穗柔。曉來紅日在簾鉤。少年兩兩鳴鞭

過。惟見香塵撲馬頭。

沙陀晚行

祝顥

野曠天清落日黃。西風衰草白茫茫。停驂四望行人絕。一片寒雲逐鴈行。

直內會楊少保

劉昌

翠玉樓臺映碧虛。上皇曾此駐鸞輿。當時侍從皆能事。只說相如有諫書。

曉起

吳與弼

靈臺清曉玉無瑕。獨立東風玩物華。春氣夜來深幾許。小桃又放兩三花。

送僧歸吳

楊守陳

一錫南飛度碧空。寶坊遙在白雲中。定知門外青松樹。別後新枝已向東。

春寒

二月燕城暖漸回。北風吹雪徧樓臺。春寒畢竟無多日。桃李何須怨未開。

昭君怨

童軒

萬里黃雲塞草枯。琵琶無語月明孤。玉關回首將軍寨。錦帳攪榆夜博盧。

醉題西朶壁

史鑑

西風蕭蕭吹客衣。黃溪道上行人歸。一聲長笛起天外。白雲滿山霜葉飛。

塞下曲

城下黃河城外山。羌兒騎馬唱歌還。磧西亦有閑花草。不信春風不度關。

牡丹

徐溥

瓊樓高起彩雲端。愁絕東風十二闌。眼底看春春欲暮。玉人消息鳳笙寒。

春閨怨

丘濬

舊歲花殘今又開。去年人去幾曾來。不知明歲花時。

節○人○在○天○涯○回○未○回○

題墨梅

白○龍○夜○半○飛○下○天○
蜿○蜒○斜○立○瑤○堦○裏○
玉○鱗○萬○點○一○時○
開○凝○雲○不○流○月○如○水○

明妃曲

彭華

抱○得○琵琶○不○忍○彈○
胡○沙○獵○獵○雪○漫○漫○
曉○來○馬○上○寒○如○
許○信○是○將○軍○出○塞○難○

詠陶淵明

解○印○歸○來○雪○鬢○飄○
呼○兒○滴○露○寫○前○朝○
丁○寧○莫○取○江○頭○
水○愁○是○金○陵○一○夜○潮○

玉華洞

何喬新

洞○前○琪○樹○倚○雲○栽○
洞○裏○瑤○花○映○雪○開○
一○自○飛○軒○遊○碧○
落○月○明○空○見○鶴○飛○來○

薊門聞笛

林榮

骨○寒○重○到○塞○垣○遊○
羌○笛○咿○咿○起○戍○樓○
應○有○開○元○遺○譜○
在○月○中○三○弄○小○梁○州○

燕

李東陽

繡○戶○朱○簾○有○路○岐○
別○時○嫌○早○到○嫌○遲○
主○家○只○解○憐○毛○
羽○涎○盡○雕○梁○不○自○知○

虞美人

按劍孤營落日昏。楚歌聲裏漢兵屯。當時國士無存者。獨有虞姬不負恩。

贈鈞伴

陳獻章

短短萋萋淺淺灣。夕陽倒影對南山。大船鼓柁唱歌去。小艇得魚吹笛還。

桃花

雲鎖千峰午未開。桃花流水更天台。劉郎莫記歸時路。只許劉郎一度來。

秋日偶作

山河一望仲秋前。楓葉初黃水半川。路上行人不歸

去。北風吹爾過殘年。

落花

落花半落流水香。鳴鳩互鳴春日長。美人別我在江浦。欲來不來空斷腸。

古耶道中有懷

翠烟浮壠麥初齊。社樹青青獨鳥啼。何處相思不相見。木綿花下水門西。

遊東郊

張元禎

招提回首日沉西。十里香風送馬蹄。不是習家池上飲。傍人休笑醉如泥。

錢御醫山水圖

謝鐸

遠樹孤村帶淺霞。亂山流水入平沙。杖藜不逐扁舟去。紅杏門前看落花。

潭沱晚渡

章懋

半川斜日照寒流。騎馬來經古渡頭。欲問蕭王冰合處。野烟衰草遍汀洲。

方文美畫

張翥

花落春歸客未歸。中宣樓上倚斜暉。故園遙在三江外。綠遍蘼蕪燕子飛。

贈深禪師

黃瑜

吸盡西江懶出關。我來非是為偷閑。風生松院不知暑。雲淨竹房空見山。

觀余尚書邊戰圖二首

靈夏城邊沙草春。賀蘭山下少行人。神鎗火砲蕪天起。河套年年靜虜塵。

車騎連雲砲震雷。邊墻如月接墩臺。娘娘灘上河水合。不見胡兒牧馬來。

寄東陽黃亨仲

周瑛

客窓風雨夜蕭蕭。曾剔銀燈共寂寥。別後逢君何處所。夢魂時落浙江潮。

題畫

林俊

天高野清絕過鳥。兩岸斜對晴江曉。檣林十里斷行人。蘆竹一聲山月小。

月鴈圖送韓廷宣兄南歸

梁儲

蘆葦蕭蕭月明裏。飛鴻正值秋風起。今宵暫喜栖息同。明日茫茫隔烟水。

楊柳枝詞

石珪

花萼樓前半夕陽。半含輕黛半含黃。君王不惜千金寵。遮莫臨風舞袖長。

元宵應制

火樹熬山幾萬重。五雲攢出繡芙蓉。中天一派風雷動。知是簫韶從六龍。

送周判官

李夢陽

明鏡綠酒五花裘。客舍新秋螢火流。問君不飲真何事。明日出城風葉愁。

白苧曲

吳中女兒白苧衣。薄暮橫塘蕩槳歸。荷花港裏無人見。驚起鷓鴣隊隊飛。

送王韜

王郎口談金虎文。自稱師是紫陽君。挂帆明日忽南

去影落龍江五色雲

夏口夜泊別友人

黃鶴樓前日欲低。漢陽城樹亂烏啼。孤舟夜泊東遊客。恨殺長江不向西。

新水至

時和驛邊河水流。康王城近舍西頭。青蘋滿眼江洲裏。芳草連天無那愁。

宮詞

何景明

碧草萋萋生御溝。垂楊裊裊夾朱樓。窓臨北斗空中起。水接銀河天上流。

晚至昌平寺中

度盡青溪十里霜。寒蕪落日下蒼茫。山城薄酒無錢買。晚飯僧家石耳香。

諸將入朝

少年生長在邊城。介冑南征蟻虻生。馬上朝來橫吹曲。梅花一半是吳聲。

迎鑾曲

邊貢

瑟瑟金風鳴玉鑾。路車何日到長安。官河不似江濤險。只恐秋深白露寒。

宮詞

張鳳翔

蓮漏頻添曉日遲。鴉鳴催落午門時。宮花御柳迎天
仗。舞蹈春風獻壽卮。

正德南巡歌

朱應登

打虎山前山木蒼。射蛟江中江霧黃。地轉秣陵成虎
圈。天迴揚子作滄陽。

擬古宮詞

徐禎卿

劍舞或歌樂未休。煌煌之火五城樓。班姬獨卧昭陽
殿。却捲珠簾望女牛。

送蕭若愚

送君南下巴渝深。予亦迢迢湘水心。前路不知何處

別千山萬壑暮猿吟。

過張士誠故宮

木葉蕭蕭朝市平。空教詞客賦蕪城。百年銷盡繁華
夢。惟有寒蟬泣月明。

送陳束之廣西

張琦

高燈夜雨正堪聞。白髮青山又送君。嶺樹那能遮望
眼。直隨飛鴈入寒雲。

高橋

甌越曾行水日東。赤闌橋道過青楓。三年一別纔回
首。往事悠悠入畫中。

春詞

乳鶯啼急柳枝低。江雨晴來草葉齊。九十日春無酒
伴。落花如夢到棠梨。

寄青空道人

孫一元

斗酒長歌對夕曛。相思無那隔重雲。夜來夢到西湖
路。白石灘頭鶴是君。

揚柳枝詞

王韋

渭水西來萬里遙。行人歸去水迢迢。垂楊不繫離情
住。只送飛花過渭橋。

贈何鴈峰兵憲

劉節

折柳臨岐送客行。蘭舟重繫不勝情。斜陽孤鳥浮雲
外。莫唱陽關第四聲。

題畫贈劉中丞

尹襄

恠石叢篁經雨潤。空村老樹入雲長。山深亦有陽春
到。不羨隨車滿路霜。

皇帝行幸南京歌四首

薛蕙

天風吹動翠雲裘。坐看樓船下石頭。江左重瞻天子
氣。金陵長作帝王州。

玄武湖中綠水多。君王日日愛經過。宮女能為蕩舟
戲。中官學唱采蓮歌。

建業城西江水迴。千官遙望翠華來。天子雙鞬懸錦帶。近臣爭上萬年杯。

三月江南鶯亂啼。江邊桃葉映春堤。不是行宮淹北上。江南花月使人迷。

嘲楊花

陌上楊花四散飛。千蹊萬徑巧因依。莫矜風便縱橫去。會見途窮寂寞歸。

宮詞二首

禁闈處處鎖名花。步障層層簇絳紗。斟酌君恩似春色。牡丹枝上獨妍華。

紅袖低回拂錦茵。玉顏憔悴掩羅巾。空房獨對嬋娟月。賴有嫦娥不笑人。

音樓曲

張治道

長安狹邪綠水濱。青樓羅綺暗生春。碧紗牕外東風起。飄落楊花不着人。

放內苑諸禽

陳沂

多年調養在雕籠。放出初飛失舊叢。祇爲恩深不能去。朝來還繞上陽宮。

南岳詞二首

張治

南岳仙人髮滿肩。獨騎黃鶴踏青蓮。朱陵洞在諸天

上十二玉樓生紫烟

南岳嶺岼盤地軸烟光萬丈開青玉洞庭明月照空
寒南岳仙人夜吹竹

雜詠四首

大明宮闕九天開中使傳宣殿裏來紅玉雕盤宮錦
覆上公含笑賜金回

月御星妃雲霧鬟塵遊忽漫向人間青山黃幙圍春
色十里松風落珮環

龍威冠上赤龍蟠甲色攢金照日寒弓劍萬人看去
馬屬車何地聽和鸞

望湖亭下水如天曾是宣皇賜幸年玉輦不來鳧
冷一湖楊柳鎖春烟

金陵歌二首

表表

夾岸垂楊起畫樓秦淮烟浪接天流朝朝桂槳來江
口夜夜蘭燈集渡頭

花發臺城苑殿荒六朝遺事使人傷翠華想像宸遊
處碧草萋萋輦路長

望龍虎山

郭廷序

龍昂虎踞護烟霞中有神霄正一家雲錦洞深丹鼎
冷玉人空醉碧桃花

越江曲

梁有譽

橫塘風起送新涼。蒲葉拍波江水長。莫道春歸花落盡。中流還有杜蘅香。

題子昂畫

釋古淵

雪後潮痕上釣磯。江南天水一絲微。萋萋芳草迷禾黍。何事王孫尚不歸。

風雅體

秋風諷也

何景明

秋風厲厲。中園有卉。不植松與檜。柰彼蕭艾。秋風飄飄。中園有條。不植松與檜。柰彼艾蕭。

秋風二章章四句

昊天贈崔子

薛蕙

昊天單威。亦孔之棘。憮莫有戾。不寧我國。我國斯瘼。我民用卒。如何昊天。云不我恤。

國之方將。尚曰靡卜。國之既痍。伊何能穀。昊天降訕。弗遂弗畜。哀今之人。胡俾天楛。

有擇者木。維其頻矣。民之劬勞。不遑辰矣。戎作在圉。內有寇茲。王事弘多。寧有其殫。

國既大廢。君子于解。三事朋友。莫之能誨。卿士大夫。曰予弗逮。昊天鞠怒。則莫肯悔。

憂心孔疚，念及我友，彼人有言，我孔之耻，曰予維服，
憂我父母，舍是弗思，憂我天子，
曰彼在位，曾不可耽，如賈弗售，載反其琛，懿爾君子，
亦徂于南，送子出宿，悠悠我心，
昔我邁矣，朋友相予，既愆于卒，我心如沮，匪往匪來，
云我靡處，之子于行，憂心孔疚，
瞻仰昊天，則莫敢邇，既夷既屆，則不我咎，君子于行，
尚顧其後，大命不忒，爰其有止。

昊天八章章八句

明音類選卷之十二終

明音類選後序

皇明正位，厥德既滌，胡元之陋，海內斐然，嚮風
摘為文詞，必漢魏盛唐，焉宗亦惟草昧之物，勝
國髦士，非洗濯無以自見，故學博氣馥，若闢渾
淪，寔啓太平之基云，永樂諸賢，席垂拱之運，
涵濡始于館閣，體漸夷粹，施及弘德，宋學溢被
禪海，而士人方佔倖，以取青紫，其於述作，謙讓
未遑，二三好古者，始力去程試之習，抗志劇切，
追逐騷雅，雖章擬句，龍瑕瑜莫掩，而刻勵瑰詭，

鮮矣夫古樂不作而新聲代變人道之汙隆繫焉
昔元次山悼知音之無人韓昌黎懼羣小之謗
傷非謂是耶是編也肇誠意之五言原漢魏之
變也終何薛之四言近風雅之正也命名之義
則先生序于篇首茲不復列

嘉靖戊午閏七月門人黎民表書



